



**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**OPĆINA TEŠANJ**  
**OPĆINSKI NAČELNIK**

---

## IZVJEŠTAJ O IZVRŠENJU BUDŽETA OPĆINE TEŠANJ ZA 2016. GODINU

---

SADRŽAJ:		Str.
<b>1/</b>	<b>Izveštaj o izvršenju Budžeta Općine Tešanj za 2016. godinu</b>	<b>1</b>
<b>2/</b>	<b>O b r a z l o ž e n j e</b>	<b>9</b>
2/1	Pravni osnov	9
<b>3/</b>	<b>Ostvarenje Budžeta</b>	<b>9</b>
<b>3/1</b>	<b>Ostvarenje prihoda, primitaka i finansiranja</b>	<b>10</b>
3/1/1	Analiza ostvarenja po grupama prihoda, primitaka i finansiranja	12
<b>3/2</b>	<b>Ostvarenje rashoda i izdataka</b>	<b>15</b>
3/2/1	Analiza ostvarenja po grupama rashoda i izdataka	16
<b>4/</b>	<b>Zaključak</b>	<b>23</b>

## 2/ OBRAZLOŽENJE:

### 2/1 PRAVNI OSNOV

Pravni osnov za podnošenje ovog Izvještaja je sadržan u članu 96. i 97. Zakona o budžetima u Federaciji BiH ("Službene novine FBiH", broj: 102/13, 9/14, 13/14, 8/15, 91/15 i 102/15).

Članom 96. Zakona o budžetima u Federaciji BiH utvrđeno je da Služba za finansije, privredu, komunalne i inspekcije dostavlja Općinskom načelniku izvještaj o izvršenju budžeta za proteklu godinu, a Općinski načelnik je obavezan isti podnijeti na usvajanje Općinskom vijeću u roku od 6 mjeseci od završetka fiskalne godine.

Budžet za 2016. godinu je izvršavan na osnovu usvojenog Budžeta Općine Tešanj za 2016. godinu ("Službeni glasnik Općine Tešanj", broj: 11/15) i Odluke o izvršavanju Budžeta Općine Tešanj za 2016. godinu ("Službeni glasnik Općine Tešanj", broj: 11/15).

### 3/ OSTVARENJE BUDŽETA

Ukupni **prihodi i primici sa prenesenim sredstvima i finansiranjem** Budžeta Općine Tešanj za 2016. godinu iznosili su **14.837.612,51 KM**, što je manje od planiranog za **11,58%**, odnosno **1.943.387,49 KM** u apsolutnom iznosu.

Kada se iz analize isključe prenesena sredstva iz prethodne godine, ostvarenje Budžeta iznosi **13.801.434,84 KM**.

U odnosu na ostvarenje iz 2015. godine ostvarenje prihoda je veće za **3,73%**, odnosno **532.256,56 KM** u apsolutnom iznosu.

**Rashodi i izdaci sa povratom sredstava finansiranja** Budžeta Općine Tešanj za 2016. godinu ostvareni su u visini od **13.893.885,01 KM**, što je manje od planiranih sredstava za **17,2%**, odnosno **2.887.114,99 KM** u apsolutnom iznosu.

U odnosu na ostvarenje iz 2015. godine realizacija je veća za **4,71%**, odnosno **625.406,73 KM** u apsolutnom iznosu.

Ukupno posmatrano u Budžetu za 2016. godinu je iskazan **akumulirani suficit** od **943.727,50 KM**. Akumulirana sredstva su tačkom 2. Izvještaja prenesena i raspoređena u Budžet za 2017. godinu. Kada se iz analize isključi prijenos iz ranijih godina **u tekućoj godini je ostvaren suficit od 92.450,17 KM** (za ovaj iznos je umanjen akumulirani suficit u odnosu na prethodnu godinu).

Na početku godine na računu Budžeta Općine je bilo 2.699.877,00 KM novčanih sredstava, a na kraju godine 2.856.460,00 KM.

Na početku godine stanje imovine Općine Tešanj je iznosilo 58.991.064,00 KM, a na kraju godine 69.987.888,00 KM.

Na početku godine izvori sredstava su iznosili 58.787.452,00 KM, a na kraju godine 68.445.495,00 KM.

Neraspoređeni prijenos prihoda na početku godine je iznosio 1.036.177,67 KM, a na kraju godine 943.727,50 KM.

Kratkoročne obaveze na početku godine su iznosile 1.387.796,00 KM, a na kraju godine 1.826.298,00 KM. Ove obaveze se odnose na dobavljače i primanja uposlenih za mjesec decembar 2016. godine. Obaveze prema dobavljačima su uvećane zbog projekta WATSAN u visini od 1.190.284,57 KM, zbog definisanog načina plaćanja iz kreditnih i grant sredstava. Tako je plaćanje izvršeno početkom 2017. godine, a realizovani dio fakturisan i evidentiran u 2016. godini.

Dugoročne obaveze na početku godine su iznosile 177.033,00 KM, a na kraju godine 1.515.813,00 KM, a odnose se na novo kreditno zaduženje za realizaciju projekta WATSAN.

## 3/1 OSTVARENJE PRIHODA, PRIMITAKA I FINANSIRANJA


Prihodi, primici i finansiranje Budžeta za 2016. godinu ostvareni su u manjem obimu od planiranih za 11,58%, odnosno 1.943.387,49 KM. Ostvareno umanjeње je isključivo posljedica realizovanog manjeg obima kreditnog zaduženja, koje je bilo planirano u visini od 2.650.000,00 KM, a realizovano u visini od 1.338.780,33 KM, kao i manje realizovanih kapitalnih grantova.

Druge grupe prihoda i primitaka su realizovane u većem obimu od planiranih sredstava.


Realizacija ukupnih prihoda, primitaka i finansiranja Budžeta Općine Tešanj za 2016. godinu po osnovnim grupama, sa strukturom istih, iskazana je u slijedećem tabelarnom pregledu i grafikonima. Podaci u tabeli su iskazani uporedno sa ostvarenjem Budžeta za 2015. godinu radi sagledavanja nastalih promjena u visini i strukturi prihoda i primitaka.

RED. BROJ	GRUPA PRIHODA I PRIMITAKA	OSTVARENJE 2015	PLAN 2016	OSTVARENJE 2016	INDEX		% UČEŠĆA	
					5/3	5/4	2015	2016
1	2	3	4	5	6	7	8	9
1a	POREZNI PRIHODI – DIREKTNI	2.287.889,86	1904000,00	2235589,67	0,98	1,17	15,99	15,07
1b	POREZNI PRIHODI – INDIREKTNI	4.655.387,65	4695000,00	4535973,05	0,97	0,97	32,54	30,57
2	NEPOREZNI PRIHODI	2.682.500,91	2762000,00	3267286,13	1,22	1,18	18,75	22,02
3	TEKUĆI GRANTOVI	1.069.723,99	1020000,00	1429938,81	1,34	1,4	7,48	9,64
4	KAPITALNI GRANTOVI	2.434.456,18	2860000,00	993866,85	0,41	0,35	17,02	6,7
5	PRENESENA SREDSTVA IZ PRETHODNIH GODINA	997.664,52	890000,00	1036177,67	1,04	1,16	6,97	6,98
6	FINANSIRANJE	177.032,84	2650000,00	1338780,33	7,56	0,51	1,24	9,02
	SVEGA:	14.304.655,95	16781000,00	14837612,51	1,04	0,88	100	100

*Tabela 1. Ostvarenje osnovnih grupa prihoda, primitaka i finansiranja u 2015. i 2016. godini*



*Grafikon 1. Struktura ostvarenih prihoda, primitaka i finansiranja za 2015. godinu*




*Grafikon 2. Struktura ostvarenih prihoda, primitaka sa finansiranjem za 2016. godinu*

## 3/1/1 ANALIZA OSTVARENJA PO GRUPAMA PRIHODA, PRIMITAKA I FINANSIRANJA

Posmatrano pojedinačno po osnovnim grupama prihoda, primitaka i finansiranja, ostvarenje u odnosu na planirano je iskazano u slijedećem tabelarnom i grafičkom prikazu.

RED. BROJ	VRSTA PRIHODA, PRIMITAKA I FINANSIRANJA	PLANIRANI IZNOS	OSTVARENI IZNOS	PROCENT OSTVARENJA
1a	Direktni porezi	1.904.000,00	2.235.589,67	117,42
1b	Indirektni porezi	4.695.000,00	4.535.973,05	96,61
2	Neporezni prihodi	2.762.000,00	3.267.286,13	118,29
3	Tekući grantovi	1.020.000,00	1.429.938,81	140,19
4	Kapitalni grantovi i primici	2.860.000,00	993.866,85	34,75
5	Prenesena sredstva iz prethodne godine	890.000,00	1.036.177,67	116,42
6	Finansiranje	2.650.000,00	1.338.780,33	50,52
	<b>SVEGA:</b>	<b>16.781.000,00</b>	<b>14.837.612,51</b>	<b>88,42</b>

*Tabela 2. Pregled ostvarenja prihoda, primitaka i finansiranja po grupama za 2016. godinu*



*Grafikon 3. Pregled ostvarenja prihoda, primitaka i finansiranja za 2016. godinu po grupama*

**1. Porezni prihodi** su ostvareni u većem obimu od planiranih sredstava za **2,61%**, odnosno **172.561,92 KM** u apsolutnom iznosu.

Ovu grupu prihoda čine indirektni i direktni porezi koji se razlikuju po načinu raspodjele između Općine i drugih nivoa vlasti, tako da se u analizi posmatraju odvojeno.

"Prihodi od indirektnih poreza" se ne raspoređuju prema uplatama i ubranim приходima na teritoriji Općine, nego prema definisanom ključu u kome broj stanovnika predstavlja osnovni ponder. Zbog smanjenog broja stanovnika prema rezultatima posljednjeg popisa u protekloj godini je zabilježen pad prihoda u odnosu na 2015. godinu za 2,6%. Iako su prihodi od indirektnih poreza na nivou BiH rasli, pripadajući dio prihoda za našu Općinu je umanjen. Umanjenje ovog prihoda je nastalo donošenjem i primjenom novog Uputstva o određivanju udjela kantona, jedinica lokalne samouprave i nadležnih kantonalnih organa za ceste u приходima od indirektnih poreza i načinu raspoređivanja tih prihoda za 2016. godinu. Novim Uputstvom, koje nije bilo najavljeno i nije bilo izvjesno prilikom donošenja budžeta, došlo je do promjene omjera u raspodjeli, tako da je za Općinu Tešanj smanjen koeficijent sa 2,050 na 1,955 (4,63%). Traženo je poništenje i izmjena Uputstva, ali nije izvršeno. S toga su ovi prihodi ostvareni u manjem obimu od planiranih za 3,39%, odnosno 159.026,35 KM.

"Direktni porezi", za razliku od indirektnih, zavise od uplaćenih i ubranih prihoda na teritoriji Općine. Ovi prihodi su ostvareni u značajnije većem obimu od planiranog zbog rasta privrednih aktivnosti i porezne osnovice, tako da ostvarenje podgrupe u cijelosti iznosi 117,42% (uvećanje u odnosu na planirane za 331.589,67 KM). Svi značajniji prihodi ove grupe su stabilni i bilježe stalni rast. Stavka "Poreza na imovinu" je ostvarena sa 116,4%, "Poreza na promet nepokretnosti" sa 135,42% i "Poreza na platu" sa 107,39%.

Potrebno je istaći da je rast "Poreza na promet nepokretnosti" osnovi uzrok uvećanja ove podgrupe prihoda u odnosu na planirane (uvećanje od 205.274,84 KM). Kako je to u prethodnim godinama, u više navrata obrazloženo, osnovica za naplatu ovog prihoda je ostvareni promet nepokretnosti, koji se ne može precizno projicirati, tako da se javljaju značajne oscilacije po godinama.

Dvije stavke ove podgrupe su ostvarene u manjem obimu, "Poreza na plate i dobit po staroj zakonskoj regulativi" i "Porezi na promet proizvoda i usluga po staroj zakonskoj regulativi" u ukupnom iznosu od svega 4.719,83 KM. S toga konačan utjecaj na ukupne porezne prihode je bez značaja (svega 0,03% prihoda).

**2. Neporezni prihodi** su takođe ostvareni u većem obimu od planiranih prihoda za **18,29%**, odnosno **505.286,13 KM** u apsolutnom iznosu.

U okviru ove grupe prihoda podgrupa "Prihodi od preduzetničkih aktivnosti i imovine" je ostvarena u nešto manjem obimu od planiranog za 2,48%, odnosno 4.876,78 KM. Značajnije umanjenje je zabilježeno jedino na prihodu "Prihodi od kamata na depozite u banci" u visini od 17.183,15 KM koje je nastalo zbog oročenja na period od 13 mjeseci i pomjeranja termina uplate kamata u 2017. godinu (prihod je ostvaren u 2017. godini).

Podgrupa "Naknade, takse i prihodi od pružanja javnih usluga" je ostvarena u većem obimu od planiranog za 19,81%, odnosno 501.104,98 KM. Tri stavke ove podgrupe čine osnovu uvećanja, te ih u ovom dijelu posebno izdvajamo:

- "Naknada za vršenje usluga iz oblasti premjera i katastarsa" sa uvećanjem od 115.204,40 KM. Uvećanje ove stavke je nastalo rastom broja zahtjeva i obima pružanja usluga od strane nadležne Službe. Pokazatelj uvećanja je i rast prihoda u odnosu na 2015. godinu od 31%. odnosno 77.004,52 KM.

- "Prihodi od prodaje građevinskog zemljišta" sa uvećanjem od 72.773,85 KM. Uvećanje je nastalo zbog vanredne dodjele zemljišta za potrebe gradnje trafoa Elektroprijenosa BiH A.D. Banja Luka čime je, s druge strane, obezbijedeno dodatno napajanje električnom energijom područja Tešnja.

- "Prihodi od uređenja građevinskog zemljišta" sa uvećanjem od 64.124,22 KM. Ovo uvećanje je u direktnoj vezi sa rastom izgradnje poslovnih i stambenih objekata na teritoriji Općine, tako da ekspanzijom gradnje rastu i sami prihodi. U odnosu na 2015. godinu ovi prihodi su porasli za 23,11%, odnosno 34.562,96 KM.

Pored toga, značajnije uvećanje je evidentirano na stavkama "Naknade za upotrebu cesta za vozila pravnih lica" (51.560,52 KM), "Naknade za upotrebu cesta za vozila građana" (55.142,09 KM) i "Posebne naknade za zaštitu od prirodnih i drugih nesreća" (47.59,46 KM) zbog uvećanja osnovice za obračun naknada.

Nužno je istaći i stavku "Taksa na priključenje na općinsku vodovodnu, hidrantsku i kanalizacionu mrežu", koja je uvećana za 40.097,60 KM. Razlog tome je kontinuirana uplata prikupljenih sredstava priključne takse za vodovod Medakovo-Trepče i prije okončanja projekta.

Podgrupa "Novčane kazne i ostali prihodi" je ostvarena uvećano za **25,88%**, odnosno 9.057,93 KM. Uvećanje je nastalo većim ostvarenjem ostalih prihoda čime je kompenzirana manja naplata novčanih kazni po općinskim propisima.

**3. Tekući grantovi** su ostvareni u većem obimu od planiranog za **40,19%**, odnosno 409.938,81 KM.

U okviru ove grupe tri stavke su ostvarene uvećano, a radi se o slijedećim stavkama.

-Stavka "Primljeni tekući grantovi viših nivoa vlasti i fondova (sredstva za stambeno zbrinjavanje, stipendije i druge potrebe boračkih populacija i drugo)" je ostvarena u većem obimu od planiranog za 52,28%, odnosno 277.098,44 KM. Radi se o tome da su ukupna izdvajanja Kantona za ove namjene uvećana, a kako se općinski i kantonalni budžeti donose paralelno, u vrijeme izrade budžeta nije moguće imati pouzdane informacije o ovim vezanim stavkama.

-Stavka "Primljeni grantovi od Kantona - Fond za zaštitu okoliša" je ostvarena u većem obimu od planiranog za 79,69%, odnosno 111.569,81 KM. Razlog uvećanja je doznaka zaostalog dijela sredstava iz prethodne godine i djelimičnim uvećanjem sredstava koja se raspoređuju. S toga su planirana sredstva za 2017. godinu uvećana.

-Stavka "Donacije i grantovi po Zakonu o finansiranju pomoći za otklanjanje posljedica prirodne nesreće i obnovu područja zahvaćenih prirodnom nesrećom" je ostvarena u većem obimu od planiranog za 79,16%, odnosno 67.283,80 KM.

**4. Kapitalni grantovi i primici** ostvareni su u manjem obimu od planiranih za **65,25%**, što u apsolutnom iznosu predstavlja 1.866.133,15 KM.

Dva su razloga umanjenja ove grupe prihoda i primitaka.

Prvi razlog je vezan za stavke za koje su sredstva odobrena i/ili doznačena u Budžet, ali su stornirana i prebačena u narednu godinu kada će ići i realizacija samih projekata. Takav je slučaj sa slijedećim stavkama:

-Sredstva na stavci "Namjenska sredstva za industrijske zone" su doznačena u visini od 240.903,05 KM i prebačena za realizaciju u 2017. godinu.

-Sredstva na stavci "Sredstva Fonda za zaštitu okoliša FBiH za projektne faze prikupljanja i prečišćavanja otpadnih voda" su doznačena u visini od 35.160,00 KM i prebačena za realizaciju u 2017. godinu.

-Sredstva na stavci "Učešće mjesnih zajednica u finansiranju projekata" su uplaćena u visini od 152.633,80 KM i prebačena za realizaciju u 2017. godinu.

-Sredstva na stavci "Vodne naknade" su odobrena od strane nadležnog Ministarstva i doznačavaju se po okončanju aktivnosti u toku 2017. godine (vodovod Medakovo-Trepče, rezervoar Raduša, novi bunar Jelah i vodovod Tepe-Hrvatinići). Na ovaj način će biti ostvaren iznos od 232.716,25 KM.

Drugi razlog je manje realizacije sredstava, kao što je to u slučaju stavke "Primljeni kapitalni transferi od inostranih vlada i međunarodnih organizacija (Projekt odvodnje i prečišćavanja otpadnih voda)": Ova sredstva su manje realizovana za 1.101.237,64 KM, budući da su u 2015. godini povučena i iskorištena u većem iznosu od planiranih (1.713.888,13 KM).

**5. Prenesena sredstva iz prethodne godine** su ostvarena u većem obimu od planiranih za 146.177,67 KM, kako je to definisano u tački 2. Izvještaja o izvršenju Budžeta Općine za 2015. godinu.

**6. Sredstva finansiranja** – kreditno zaduženje je realizovano u 50,52%-tnom iznosu.

Za 2016. godinu su bila planirana dva kreditna zaduženja, od čega jedno kod domaće banke na iznos od 410.000,00 KM za uređenje Titove ulice i Ulice 1.marta koje nije realizovano i koje je Odlukom Općinskog vijeća poništeno.

Drugo zaduženje je vezano za projekt WATSAN. Realizacija ovog zaduženja je zavisna od realizacije radova na gradnji kanalizacionih kolektora. Tako je do kraja godine realizovan i uplaćen dio od 1.338.780,33 KM, dok će preostali dio vezan za već ugovorene radove biti realizovan tokom 2017. godine.

Ukupni iznos povučenih kreditnih sredstava na dan 31.12.2016. godine iznosi 1.515.000,00 KM.

Rashodi i izdaci Budžeta Općine za 2016. godinu izvršeni su u manjem obimu od planiranih za 17,2%, odnosno 2.887.114,99 KM.

Mogu se izdvojiti tri grupe razloga umanjenog ostvarenja rashoda, kako slijedi.

-Prvi razlog je prijenos dijela ostvarenih namjenskih prihoda posebne naknade i Fonda za vatrogastvo od 380.000,00 KM koji nisu utrošeni za realizaciju stavkama "Opremanje civilne zaštite, jedinica i službi iz sredstava posebne naknade" i drugih zakonom definisanih izdataka. Ova sredstva su zbog zakonske obaveze i dinamike realizacije u cijelosti prenesena u Budžet za 2017. godinu.


-Drugi razlog umanjenja, posebno kapitalnog dijela Budžeta, jeste nemogućnost blagovremene realizacije dijela ugovorenih aktivnosti koje su prenesene za realizaciju u 2017. godinu u visini od 249.351,39 KM (definisano u tački 2. Izvještaja).

-Treći razlog umanjenja je dinamika realizacije dijela projekta zbog čega je izvršeno storniranje prihoda i prijenos u 2017. godinu, kao u slučaju projekata uređenja industrijskih zona i vodosnabdijevanja, kao i manji obim realizovanih radova na projektu WATSAN, te izostanak doznake dijela kapitalnih grantova.

Struktura ostvarenih rashoda i izdataka u 2016. godini iskazana je u slijedećem tabelarnom i grafičkom prikazu.


RED. BROJ	VRSTA RASHODA I IZDATAKA	OSTVARENJE U 2016. GODINI	PROCENTUALNO UČEŠĆE U OSTVARENJU
1	Sredstva za bruto plaće i naknade	2.295.119,98	16,52
2.1.	Sredstva za materijal, en. i usluge - rashodi organa uprave	956.792,07	6,89
2.2.	Sredstva za materijal, en. i usluge - opštedruštvene potrebe	1.774.311,34	12,77
3	Tekući grantovi (transferi) i sredstva rezervi	3.840.614,02	27,64
4	Kapitalni grantovi (transferi) i izdaci	4.971.109,66	35,78
5	Povrat sredstava finansiranja	55.937,94	0,40
<b>SVEGA:</b>		<b>13.893.885,01</b>	<b>100,00</b>

*Tabela 3. Struktura ukupno ostvarenih rashoda i izdataka u 2016. godini*



*Grafikon 4. Struktura ukupno ostvarenih rashoda i izdataka u 2015. godini*






*Grafikon 4. Struktura ukupno ostvarenih rashoda i izdataka u 2016. godini*

### 3/2/1 ANALIZA OSTVARENJA PO GRUPAMA RASHODA I IZDATAKA

Posmatrano pojedinačno po osnovnim grupama rashoda i izdataka ostvarenje u odnosu na planirane iznose je iskazano u slijedećem tabelarnom i grafičkom prikazu.

RED. BROJ	VRSTA RASHODA, IZDATAKA I OTPLATA KREDITA	PLAN ZA 2016. GODINU	OSTVARENJE ZA 2016. GODINU	PROCENT OSTVARENJA
1	Sredstva za bruto plaće i naknade	2.403.000,00	2.295.119,98	95,51
2.1.	Direktni materijalni rashodi ograna uprave	961.600,00	956.792,07	99,50
2.2.	Opštredruštvene potrebe	1.944.000,00	1.774.311,34	91,27
3	Tekući grantovi (transferi) i sredstva rezervi	3.672.400,00	3.840.614,02	104,58
4	Kapitalni grantovi (transferi) i izdaci	7.560.000,00	4.971.109,66	65,76
5	Povrat sredstava finansiranja	240.000,00	55.937,94	23,31
SVEGA:		16.781.000,00	13.893.885,01	82,80

*Tabela 4. Pregled ostvarenja rashoda i izdataka po grupama u 2016. godini*



*Grafikon 5. Pregled ostvarenja rashoda i izdataka po grupama u 2016. godini*

**1. Sredstva za bruto plate i naknade** su ostvarena u manjem obimu od planiranog za 4,49%, odnosno 107.880,02 KM. Sve stavke rashoda ove grupe su ostvarene u manjem obimu od planiranih iznosa. U proteklom periodu ostvareno penzionisanje većeg broja uposlenika, a da istovremeno nije okončana procedura prijema novih radnika i popuna upražnjenih radnih mjesta. Popuna istih je započela krajem izvještajnog perioda, a planira se provesti tokom 2017. godine.

**2. Sredstva za materijal, energiju i usluge** su ostvarena u manjem obimu od planiranog za 6,01%, odnosno 174.496,59 KM. Ostvarenje po podgrupama ove grupe rashoda je slijedeće:

2.1. "Direktni materijalni rashodi organa uprave" ostvareni su u planiranom obimu, sa neznatnim umanjnjem od 0,5%, odnosno 4.807,93 KM u apsolutnom iznosu.

U okviru ove podgrupe, koja je direktno vezana za rad organa uprave, ostvarene su uštede na dijelu planiranih stavki (16 od 28), sedam stavki je ostvareno u približno planiranom obimu sa uvećanjem do 10%, dok je 5 stavki ostvaren u većem obimu od planiranih za više od 10%. Iz ostvarenih ušteda ove podgrupe rashoda finansirano je veće ostvarenje na preostalim stavkama (preraspodjelom sredstava budžetskog korisnika).

Uvećana izvršenja su nastala kao odraz uvećanog obima aktivnosti organa uprave, te iskazanih većih potreba za tekućim održavanjem, a radi se o slijedećim pojedinačnim stavkama:

- "Izdaci za tekuće održavanje vozila", sa uvećanjem za 16,68%, odnosno 2.334,75 KM, nastalim uvećanim obimom aktivnosti i korištenja voznog parka.

- "Promotivno-reklamni materijal Općine i promocija turističkih potencijala", sa uvećanjem za 15,33%, odnosno 3.526,09 KM, nastalim intenziviranjem aktivnosti na promociji turističkih i privrednih potencijala.

- "Ugovori o djelu (neto iznos)", sa uvećanjem za 17,69%, odnosno 3.557,51 KM, nastalim većim angažmanom lica za realizaciju vanrednih i tekućih aktivnosti uprave. S druge strane ostvarene su značajne uštede na stavkama primanja uposlenih.

- "Rad općinskih komisija", sa uvećanjem za 21,53%, odnosno 9.905,36 KM, nastalim daleko većim angažmanom redovnih komisija Općinskog vijeća, prije svega komisije vezane za promet nekretnina. S druge strane, ovim aktivnostima je ostvareno značajno uvećanje prihoda, prije svega od poreza na promet nekretnina.

- "Naknade Općinskoj izbornoj komisiji (neto iznos)", sa uvećanjem za 95,64%, odnosno 13.390,00 KM, nastalim promjenom zakonske regulative i utvrđivanjem minimalnih naknada za članove Općinske izborne komisije. S druge strane načinjene su uštede na drugim stavkama vezanim za realizaciju izbora.

- "Troškovi certificiranja i održavanja certifikata organa uprave", sa uvećanjem za 30,88%, 2.161,61 KM, nastalim okončanjem postupka BFC certifikacije prema. Proces je okončan i ovaj rashod se neće ponavljati u narednim godinama.

Sva uvećanja zbirno čine svega 5,68% ukupnih sredstava podgrupe i iznose 54.337,97 KM. Dok su na drugim stavkama podgrupe načinjene uštede od ukupno 59.145,90 KM.

2.2. *Ostale usluge za opštedruštvene potrebe* ostvarene su u manjem obimu od planiranog za 8,73%, (169.688,66 KM). U okviru ove podgrupe 3 stavke rashoda (od ukupno 17) je ostvareno u većem obimu od planiranog. Sva uvećanja zbirno čine svega 1,82% ukupnih sredstava podgrupe i iznose 32.339,25 KM.

Radi se o slijedećim stavkama:

- "Ostale komunalne usluge – komunalna higijena" sa uvećanjem od 3,92%, odnosno 15.087,58 KM, zbog potrebe provođenja dijela vanrednih aktivnosti komunalnog uređenja.

- "Zimsko održavanje puteva prema usvojenom programu putem mjesnih zajednica prema pojedinačnim sporazumima" sa uvećanjem od 3,9%, odnosno 5.453,75 KM. Uvećanje je nastalo proširenjem mreže puteva koje održavaju mjesne zajednice, dok je s druge strane stavka zimskog održavanja koje direktno ugovara Općina ostvarena sa uštedom od 14.362,35 KM.

- "Ostale komunalne usluge – sanacija javne rasvjete i svjetlećih znakova" sa uvećanjem od 27,76%, odnosno 11.657,92 KM, zbog uvećanja aktivnosti na daljoj realizaciji ušteda na utrošku električne energije. S druge strane je, bez obzira na značajno proširenje mreže javne rasvjete, načinjena ušteda na stavci utrošku električne energije od 7.871,13 KM.

Sva uvećanja su u potpunosti pokrivena preraspodjelama sa drugih stavki ove podgrupe.

S druge strane, preostale stavke rashoda su ostvarene u približno planiranom ili manjem obimu od planiranog. U okviru stavki koje su ostvarene u manjem obimu potrebno je izdvojiti slijedeće dvije sa većim iznosom nerealizovanih sredstava:

- Stavka "Sredstva za deminiranje i trajno obilježavanje minskih polja" je ostvarena u manjem iznosu od planiranog za 69.314,55 KM. Radi se o tome da je izvršen planirani obim aktivnosti ali po nižoj cijeni od projektno definisanih, s tim da su neutrošena sredstava prema pravilima donatora – Vlade Japana u konačnici morala biti vraćena.

- Stavka "Interventne i preventivne mjere - otklanjanje posljedica poplava i sprečavanje nastanka novih šteta" su ostvarene u manjem iznosu od planiranog za 41.733,85 KM, ali su namjenska sredstva prenesena u narednu budžetsku godinu i u istoj se planira njihova realizacija u cijelosti.

**3. Tekući grantovi (transferi), kamate i sredstva rezervi** su ostvareni u većem obimu od planiranog za 4,58%, odnosno 168.214,02 KM.

Osnovni razlog uvećanog ostvarenja ove grupe rashoda je uvećanje grantova socijalne zaštite i pomoći doznačenih iz Kantona. Prije svega na stavci "Sredstva za ostale pomoći boračkih populacija iz Budžeta ZE-DO kantona". Ova stavka je ostvarena uvećano za 112,88%, odnosno 214.473,75 KM.

Posmatrano pojedinačno po podgrupama ostvarenje unutar ove grupe rashoda je slijedeće:

3.1. *Grantovi mjesnim zajednicama za redovnu djelatnost* su ostvareni u 101%-tnom iznosu. Raspodjela sredstava je vršena u skladu sa Odlukom svim mjesnim zajednicama. U 2016. godini je vršena obustava dodijeljenih sredstava MZ samo u jednom slučaju. Ugovor za vršenje knjigovodstvenih usluga od strane jedinstvenog knjigovodstvenog servisa se ispunjava u cijelosti, čime je nastavljena dobra praksa monitoringa i provođenja kontrole utroška sredstava.

3.2. *Grantovi socijalne zaštite i pomoći* su ostvareni sa najznačajnijim uvećanjem u odnosu na planirana sredstva. Ostvarenje je veće za 13,15%, odnosno 189.075,78 KM.

Kako je to već rečeno, osnovni razlog uvećanja je realizacija grant sredstava ZE-DO kantona namijenjena za pomoći boračkim populacijama. U 2016. godini su doznačena sredstva u ukupnoj visini od 404.473,75 KM. Kako se radi o namjenskim sredstvima, to je i izvršen njihov utrošak u skladu sa definisanom namjenom. Razlog ovog uvećanja je uvođenje novog programa za zapošljavanje i samozapošljavanje te većeg obima odobrenih pomoći uopšte.

Pored ovog ostvarena su uvećanja na još tri stavke grantova kako slijedi:

- "Grant za dnevni boravak djece sa poteškoćama u razvoju općine Tešanj", sa uvećanjem od 84,9%, odnosno 16.979,21 KM. Radi se o tome da je tokom 2016. godine preuzeta obaveza finansiranja putem Javne ustanove Centar za djecu i odrasle osobe s posebnim potrebama Zeničko-dobojskog kantona. Na ovaj način je sistemski riješeno finansiranje i upravljanje dnevnim centrom uz izdvajanje većeg dijela sredstava iz općinskog Budžeta.

- "Sanacija i adaptacija stambenih prostora socijalno ugroženih lica i boračkih populacija" od 4,94%, odnosno 3.457,97 KM, zbog uvećanih potreba za intervenciju u protekloj godini.  
- "Jednokratne materijalne pomoći putem organa uprave", sa uvećanjem od 7,65%, odnosno 3.824,47 KM, zbog uvećanja obima pomoći dodijeljenih krajem budžetske godine.  
Pored toga najveći dio stavki ove grupe rashoda (19 od 25 stavki) su ostvarene u planiranom ili približno planiranom obimu.

3.3. *Grantovi za kulturu, obrazovanje i mlade* su ostvareni uvećano za 3,78%, odnosno 34.244,53 KM.

U okviru ove podgrupe rashoda u značajno manjem obimu su ostvarene stavke: "Grantovi za postdiplomske studije" (ostvarenje od 13,33%) zbog manjeg broja zahtjeva i "Grant za angažovanje volontera u općinskim ustanovama" (ostvarenje 70%) zbog manjeg angažmana ustanova u protekloj godini.

Uvećano ostvarenje u okviru ove podgrupe je zabilježeno na slijedećim stavkama:

- "Grantovi za projekte mladih i za mlade i podrška projektu Omladinska banka", sa uvećanjem od 9,36%, odnosno 4.679,66 KM, koje je nastalo realizacijom većeg broja projekata u 2016. godini.

- "Grant osnovnim školama" sa uvećanjem od 23,4%, odnosno 4.679,66 KM. Uvećanje je nastalo zbog iskazanih većih potreba 9 osnovnih škola na teritoriji Općine, zbog čega je ova stavka u planu za 2017. godinu uvećana za dodatnih 5.000,00 KM.

- "Sredstva za stipendije studentima boračkih populacija iz Budžeta ZE-DO kantona" sa uvećanjem od 18,34%, odnosno 25.682,00 KM, zbog više odobrenih i doznačnih sredstava iz ZE-DO kantona za studente sa područja naše Općine.

Dijelom su uvećana i sredstva za javne ustanove Centar za kulturu i obrazovanje Tešanj, Muzej Tešanj i Opću biblioteku Tešanj zbog uvećanja troškova grijanja, preuzimanja obaveza ranijeg ureda Turističke zajednice i sanacije prostora tokom 2016. godine.

Preostale stavke su ostvarene u približno planiranom obimu.

3.4. *Grantovi u oblasti sporta* su ostvareni sa uvećanjem od 1,57%, odnosno 4.076,00 KM, a u okviru podgrupe realizovani su svi pojedinačni ugovori sa sportskim klubovima i ustanovom SRC Tešanj. Dvije od četiri stavke ove podgrupe su ostvarene u planiranom obimu, dok je uvećano ostvarenje na stavci "Grantovi za rad sportskih klubova". Sredstva za održavanje stadiona NK Pobjeda nisu ni doznačena u protekloj godini jer nije bilo mogućnosti ulaganja – dozvole za provođenje radova.

3.5. *Grantovi udruženjima građana* su realizovani u 98,81%-tnom obimu uz izmirenje svih ugovorenih obaveza prema udruženjima.

3.6. *Ostali grantovi* su realizovani u 98,53%-tnom obimu.

I u slučaju ove podgrupe ispunjene su obaveze prema korisnicima budžetskih sredstava, tako da su realizovani općinski poticaji, obezbjeđena sredstva za funkcionisanje JP TRA Tešanj, sufinansiranje rada REZ-a i Saveza općina i gradova FBiH i drugo.

U okviru ove podgrupe potrebno je izdvojiti slijedeće:

- "Grant Agenciji za razvoj za bruto plate i naknade" je realizovan u 52,89%-tnom iznosu uz ostvarenu uštedu od 18.843,43 KM zbog obezbjeđenja ovih sredstava iz vlastitih aktivnosti JP "TRA" Tešanj.

- Sredstva za REZ-a d.o.o Zenica dijelom umanjena zbog neriješenog pitanja finansiranja od strane dijela osnivača, čime su manje utrošena sredstva od 3.500,00 KM.

- "Grant Turističkoj zajednici za obezbjeđenje prostorija za Ured" je umanjen za 2.600,00 KM zbog zatvaranja Ureda i prijenosa nadležnosti na JU Muzej Tešanj.

Preraspodjelom gore navedenih manje utrošenih sredstava izvršena je veća dodjela grant sredstava na stavci "Grantovi za razvoj poljoprivrede". Ukupno uvećanje iznosi 8,13%, odnosno 25.611,18 KM, čime je obezbjeđena isplata podsticaja za 2016. godinu sa koeficijentom definisanim u 2014. godini (0,82).

3.7. *Kamate i operativna budžetska rezerva.*

Sve kamate po osnovu kredita su isplaćene blagovremeno i u planiranom iznosu za 2016. godinu, mada su one za 2016. godinu iznosile svega 2.180,47 KM zbog trenutne male razine referentnih kamatnih stopa. Na ovoj stavci su bila planirana veća sredstva za kamate po drugom zaduženju koje je poništenu tokom godine Odlukom Općinskog vijeća.

"Sredstva operativne budžetske rezerve" su utrošena u visini od 66.580,00 KM (66,58% planiranih sredstava), a pregled utroška sredstava prikazan je u narednom tabelarnom pregledu:

R. br.	Datum donošenja rješenja	Primalac sredstava	Svrha doznake	Iznos odobrenih sredstava
-1-	-2-	-3-	-4-	-5-
1	06.01.2016	Dizdarević Hajrudin iz Kotlanica	JNP na ime liječenje supruge	250,00
2	12.01.2016	Lovačko društvo Kiseljak	JNP za nabavku kukuruza za prehranu divljači	1.000,00
3	12.01.2016	Ahmić (Redžo) Esed iz Miljanovaca	Pomoć za nabavku novog muznog grla zbog uginuća	700,00
4	27.01.2016	Kruško Nermina iz Medakova	JNP za nabavku ogrjeva i namirnica	300,00
5	15.02.2016	Ramić Muhamed iz Kotlanica	JNP na ime liječenja u R Hrvatskoj	2.000,00
6	15.02.2016	MZ Jablanica	Provođenje hitnih mjera na klizištu Kalabića kamen u Jablanici	500,00
7	23.02.2016	Korajlić Enver iz Tešnja	JNP za obezbjeđenje prostora za rad	200,00
8	25.02.2016	Mehuljić (Edhem) Juso iz Raduše	JNP na ime liječenja – operacija srca	3.000,00
9	09.03.2016	Smajić (Islam) Mirnes iz N. Miljanovaca	JNP na ime troškova dugotrajnog liječenja	800,00
10	09.03.2016	Numić (Muhamed) Zehra iz Kaloševića	JNP na ime liječenja	600,00
11	11.03.2016	Plančić Emina iz Mekiša	JNP na ime pomoći u liječenju – operacija srca	2.000,00
12	11.03.2016	Bekrić (Šerif) Fatima iz Kraševa	JNP na ime pomoći za liječenje	500,00
13	06.04.2016	Ragbi reprezentacija BiH	Novčana nagrada za postignute rezultate	500,00
14	15.04.2016	JOB Unija veterana Teslić	Pomoć za Izgradnju šehidskog obilježja u Barićima, općina Teslić	1.000,00
15	04.05.2016	Muftijstvo banjalučko Banja Luka	Otvaranje Ferhat-pašine džamije u Banja Luci	1.000,00
16	05.05.2016	Memić Senada iz Rosulja	Ispl. na ime tr. liječenja i operativno zahvata	600,00
17	06.05.2016	Savez za sport i rekreaciju Banja Luka	Sufinansiranje Međunarodne biciklističke trke	2.500,00
18	09.05.2016	UG Sportskih ribolovaca Jelah	Sufinansiranje učešća na Svjetskom klupskom prvenstvo u San Marinu	3.000,00
19	10.05.2016	Zlatni ljljan Tešanj	Pomoć članu udruženja Bobarić Samiru	400,00
20	10.05.2016	Bešić Samir iz Tešnja	Ispl. za sanaciju dijela štete nastale u požaru 06.04.2016.g.	2.000,00
21	11.05.2016	Muhamed Bešo	Pomoć za troškove liječenja i ukopa	500,00
22	11.05.2016	Džihić Husein iz O. Planja	JNP za liječenje	400,00
23	17.05.2016	Mujčinović (Mustafa) Sajda iz Raduše	Pomoć za liječenje sina u inostranstvu (Zagreb)	2.000,00
24	23.05.2016	Alkaz (Safet) Mersad	Pomoć za liječenje u Kantonalnoj bolnici Zenica (paraliza)	2.500,00
25	24.05.2016	Škapur Ajla iz Tešnja	Pomoć za školovanje na samof. studiju psihologije i pedagogije	500,00

26	26.05.2016	Opština Srebrenica	Obilježavanje 21. godišnjice genocida u Srebrenici	2.000,00
27	23.06.2016	Udruženje privrednika Biznis centar Jelah-Tešanj	Sufinansiranje organizacije Sajma privrede Tešanj 2016.godine	6.000,00
28	25.07.2016	Smailbegović Nedžad iz Jelaha	Pomoć za liječenje u inostranstvu	2.500,00
29	12.08.2016	Kruško Edin iz Trepča	Pomoć na ime teške ekonom.situacije	2.000,00
30	24.08.2016	Topovčić Omer, Kamenica-Teslić	Pomoć nezaposlenom demobilisanom borcu	1.000,00
31	26.08.2016	Centar za pravnu pomoć ženama Zenica	Pravna pomoć ženama Tešanj	1.200,00
32	30.08.2016	Smajić Melika iz N. Miljanovaca	Pomoć nastavku školovanja u Medresi u Tuzli	500,00
33	31.08.2016	Hajrić Halima iz Karadaglija	Pomoć na ime teške ekonom.situacije	500,00
34	05.09.2016	Sportski savez općine Tešanj	Sufinansiranje odr. turnira u stolnom tenisu Tešanj open 2016.g.	500,00
35	06.09.2016	Artuković (Mehmedalija) Nedžad	Pomoć na ime teške ekonomske situacije	1.000,00
36	14.09.2016	Udruga za zaštitu okoliša i održivog razvitka Naša baština Tomislavgrad	Snimanje dugometražnog filma	2.000,00
37	15.09.2016	JU MUZEJ TEŠANJ	Nabavka muzejskog materijala-ekspozata za upotpunjavanje zbirke	5.000,00
38	19.09.2016	Medžlis Islamske zajednice Žepče	Pomoć poplavom pogođenom stanovništvu Jastreba	3.000,00
39	11.10.2016	Ahmić Enesa iz Piljužića	Pomoć za pokriće dijela štete nastale uginućem 3 muzna grla istovremeno	2.000
40	20.10.2016	NK Tošk Tešanj	Sufinansiranje gradnje stadiona sa vještačkom travom	1.500
41	15.11.2016	UG Sugar Tešanj	Nabavke trakica za testiranje oboljelih od šećernih bolesti	2.500
42	23.11.2016	NK Napredak Šije	Pomoć na ime sanacije krova i prostorija NK Napredak Šije	2.000
43	23.11.2016	Sportski savez općine Tešanj	Projekat sportskog predstavljanja općine u inostranstvu	1.000
44	30.12.2016	UG JOB Unija veterana Tešanj	Kancelarijske stolice za salu	630
45	30.12.2016	Dedić Fikret iz Trepča	JNP za tešku ekonomsku situaciju	1.000
			UKUPNO	66.580
			Postotak u odnosu na porezne i neporezne prihode Budžeta	0,66%

*Tabela 7. Pregled utroška sredstava operativne budžetske rezerve*

**4. Kapitalni grantovi (transferi) i izdaci** ostvareni su u manjem obimu od planiranog za 34,24%, odnosno 2.588.890,34 KM.

Umanjeno ostvarenje ove grupe rashoda-izdataka nastalo je prvenstveno iz slijedeća tri razloga:

- Dio planiranih projekata je ugovoren ali nije okončan u 2016. godini, te su ova sredstva prenesena za realizaciju istih u ukupnoj visini od 249.351,39 KM, kako je to definisano u tački 2. Izvještaja.

- Dio sredstava sa stavke "Opremanje civilne zaštite, jedinica i službi iz sredstava posebne naknade i Fonda" takođe nije realizovan, ali ni ugovoren. Budući da se radi o namjenskim sredstvima ista su prenesena u narednu godinu u okviru planirane stavke u Budžetu za 2017. godinu. Ova sredstva iznose 380.000,00 KM.

-Treći razlog umanjavanja je dinamika realizacije dijela projekta zbog čega je izvršeno storniranje prihoda i prijenos u 2017. godinu kao u slučaju projekata uređenja industrijskih zona i vodosnabdijevanja, kao i manji obim realizovanih radova na projektu WATSAN.

Posmatrano pojedinačno po podgrupama iskazano je slijedeće ostvarenje:

4.1. Podgrupa *Podrška projektima drugih izvora i utrošak namjenskih sredstava* je ostvarena umanjeno za 46,38%, odnosno 2.012.080,11 KM u apsolutnom iznosu. Ova podgrupa čini najveći dio budžeta, tako da je neophodno istaći slijedeću elemente realizacije stavki:

- Osnovni razlog umanjjenja ove podgrupe, kao i realizacije budžeta u cjelini, nalazi se u dinamici realizacije projekta WATSAN u okviru stavke "Projekt prikupljanja, odvodnje i prečišćavanja otpadnih voda na području općine Tešanj". Prije svega, radi se o višegodišnjem projektu za čiju realizaciju u 2017. godini je bilo planirano 3.700.000,00 KM. U toku godine su se stekli uslovi za realizaciju dijela aktivnosti koji je i ugovoren u visini od 2.626.090,58 KM. Kako do kraja godine nije bilo uslova za dalje ugovaranje na ovaj način je ostao nerealizovan dio planirane stavke od 1.073.909,42 KM. Pored toga u fazi realizacije ugovorenih aktivnosti okončan je dio od 2.031.948,68 KM, tako da je preostao dio ugovorenih radova za realizaciju u 2017. godini u visini od 594.141,90 KM. Na taj način ukupno umanjjenje stavke iznosi 1.668.051,32 KM.

- Stavka "Uređenje industrijskih zona" je realizovana sa umanjnjem od 96.378,02 KM. I u ovom slučaju se radi o dijelu ugovorenih aktivnosti koji je zbog nemogućnosti okončanja predviđen za realizaciju u 2017. godini. Radi se o projektu izrade javne rasvjete kroz industrijsku zonu Bukva za koji su doznačena grant sredstva nadležnog Ministarstva od 122.400,00 KM. Sredstva su stornirana i prebačena u 2017. godinu.

- Stavka "Izrada projektne dokumentacija za sanaciju postojeće deponije komunalnog otpada u Bukvi" od 70.000,00 KM nije realizovana budući da se nisu stekli uslovi za realizaciju iste, a dio grant sredstva za ovu namjenu je storniran i prenesen u 2017. godinu.

- "Opremanje civilne zaštite, jedinica i službi iz sredstava posebne naknade" od 324.000,00 KM takođe nije realizovana, a namjenska sredstva su prenesena u 2017. godinu.

Dvije stavke ove grupe su realizovane u većem obimu od planiranih, a radi se o stavkama koje su vezane za doznaku grant sredstava viših nivoa vlasti, koje nisu limitirane više doznačenim sredstvima.

Prvu čine sredstva "Podrška projektima i utrošak sredstava kapitalnih grantova viših nivoa vlasti i drugih izvora" koja je realizovana uvećano za 91.940,67 KM. U okviru ove stavke realizovana su sredstva za I fazu gradnje 4 sportske dvorane osnovnih škola od 146.208,51 KM, od čega je 100.000,00 obezbijeđeno iz Budžeta ZE-DO kantona.

Drugu stavku čine "Sredstva za uređenje Starog grada – Gradine Tešanj (projektovanje i izvođenje radova)" koja je realizovana sa uvećanjem od 10.166,85 KM, uz obezbijeđenje granta od 20.000,00 KM od Federalnog ministarstva kulture i sporta.

4.2. Podgrupa *Općinski projekti (novi projekti i nastavak započetih projekata)* je ostvarena umanjeno za 18,89%, odnosno 338.158,08 KM u apsolutnom iznosu.

U okviru ove podgrupe jedna stavka je ostvarena u većem obimu od planiranog. Radi se o sredstvima na stavci "Realizacija ranije ugovorenih i prenesenih projekata iz prethodnih godina" koja je ostvarena u visini od 217.003,38 KM. Stavka je ostvarena uvećano za 27.003,38 KM zbog većeg obima ugovorenih projekata koji su prenešeni iz 2015. godine (definisani u tački 2. Izvještaja o izvršenju Budžeta za 2015. godinu). Ova sredstva su dijelom iskazana i u okviru Izvještaja o realizaciji Odluke o usvajanju liste kapitalnih projekata.

Stavka "Otkup preuzetog i ekspropisanog zemljišta" je realizovan u 100%-tnom iznosu za projekte vodosnabdijevanja, gradnje kanalizacionih kolektora, raskrsnice Jelah i gradnje Industrijske zone Glinište.

Preostale stavke su ostvarene u manjem obimu, od čega je značajan dio aktivnosti ugovoren ali zbog nemogućnosti realizacije i fakturisanja u izvještajnom periodu nije iskazan u izvještaju. Tako je dio sredstva na stavci "Projekt uređenja Titove ulice i Ulice 1. marta" (91.759,42 KM) ugovoren i prenesena u 2017. godinu u skladu sa tačkom 2. Izvještaja. Takođe, dio sredstava na stavci "Vodosnabdijevanje" je ugovoren, ali će se realizovati u Budžetu za 2017. godinu kroz utrošak dijela sredstava vodnih naknada i učešća građana iz 2016. godine (stornirani i preneseni dio).

4.3. *Preostala kapitalna ulaganja i grantovi* su takođe ostvareni u manjem obimu. Umanjenje iznosi 17,28%, odnosno 135.604,47 KM. Umanjenje ove podgrupe je nastalo nerealizacijom stavke "Utrošak sredstava GSM licenci". Ova sredstva su planirana u visini od 150.000,00 KM, koliko približno iznosi i umanjjenje podgrupe.

S druge strane, u okviru stavke "Sufinansiranje unutrašnjeg uređenje dvorane na lokalitetu Musala – JU SRC Tešanj" realizovana su veća sredstva za 22.281,50 KM. Izdvajanjem ovih sredstava sa akumuliranim sredstvima Javne ustanove objekat je priveden namjeni i pušten u funkciju.

Preostale stavke ove grupe rashoda su ostvarene u planiranom obimu uključujući i Kapitalna ulaganja čija realizacija je prezentovana u okviru Izvještaja o realizaciji Odluke o usvajanju liste kapitalnih projekata za 2016. godinu.

**5. Povrat sredstava finansiranja** je realizovan takođe u manjem obimu iz razloga poništenja Odluke o kreditnom zaduženju Općine kod komercijalne banke. S toga se dio planiran za povrat kredita od 140.000,00 KM nije ni realizovan.

Općina je u ovom dijelu servisirala 50% obaveze po kreditu JP Toplana D.D. Tešanj, uz obaveznu rezervisanja (planiranja) cjelokupne obaveze. Stoga je ova stavka realizovana sa 55,94% ukupno planiranog iznosa.

Sve nastale obaveze Općine po zaduženju i garancijama su u potpunosti i blagovremeno izmirene.

#### **4/ ZAKLJUČAK**

Bez obzira na izostanak dijela grant sredstava za realizaciju kapitalnih projekta i manje realizovano kreditno zaduženje u 2016. godini je ostvaren najveći budžet u postratnom periodu. Obezbijeđen je značajan obim realizacije kapitalnih ulaganja koja su veća od rekordne realizacije iz 2015. godine, uz prijenos dijela nerealizovanih ugovora u 2017. godinu.

U tekućem dijelu budžeta osigurano je zadovoljenje opštredruštvenih potreba, prije svega sistema rasvjete, održavanja putne mreže i komunalnog uređenja, kao i socijalna izdvajanja, podrška aktivnostima nevladinog sektora, mladih, stipendiranja, razvoja poljoprivrede, obrta i svih drugih segmenata iz nadležnosti lokalne uprave.

Ranije akumulirani suficit od 1.036.177 KM, je održan uz umanjjenje u 2016. godini za 92.389,50 KM, tako da sada iznosi 943.727,50 KM.

Prenešena sredstva (suficit) su planirana u Budžetu za 2017. godinu ali u nešto većem obimu i sa drugom strukturom. Pored namjenskih i nevezanih sredstva prijenosa preostala prenešena sredstva su raspoređena tačkom 2. Izvještaja i bit će sastavni dio Budžeta za 2017. godinu u okviru kojeg će se i realizovati.

OBRAĐIVAČ  
SLUŽBA ZA FINANSIJE, KOMUNALNE  
I INSPEKCIJSKE POSLOVE  
Hamzalija Hojkurić, dipl.oec.

PODNOŠILAC IZVJEŠTAJA  
OPĆINSKI NAČELNIK

Mr.Sci.Suad Huskić

Broj: 04-14-1-702/17  
Datum: 21.03.2017. godine